



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphaliam illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

S. Mathildis Regina Germaniae

urn:nbn:de:hbz:466:1-28481

tertia ad agriculturam regredi, & glebam exercere visus sit. Plura ejusmodi vide apud Papebrochium in actis Ss. ad diem 2dam Februarii.

S. MATHILDIS

Regina Germaniæ.

Refertur cum titulo Sanctæ in Martyrol. Romano germanicè edito ad diem 14. Martii his verbis: Zu Halberstatt in Teutschland die Entschlaffung der heiligen Königin Mathildis des Kaysers Ottonis des Ersten Mutter: war in Demuth und Gedult fürtrefflich. Item ab Harao & Leuchtio in vitis Ss., Wione & Menardo in Martyrol. Benedictinis. Cum titulo Beata in Martyrol. Romano latino ad eandem diem, Papebrochio in Actis Ss. to. 2 Martii. Canisio in Martyrol. germanica. Schaten to. 1. Annal. Paderb. &c. Agunt de eadem Gelen. in fastis Agrippin. Molanus in addition. ad Vsuardum. Dithmarus l. 1 & 2. Widichindus Corbeiensis l. 3. Annal. &c. Westphalam esse testatur Papebrochius loc. cit. in Commentario prævio ad ejus vitam §. 1. n. 1. ubi sic habet: Mathildis parentes & majores usque ad ejus atavum Wittichindum vixerunt in regione inferiore Saxonix cis Visurgim, quam nunc Westphalam appellamus:

O 5

ubi

ubi Vidua Mathildis avia paterna in Monasterio Herivordienſi Abbatiffa educavit hanc ſuam neptem B. Mathildem. *Idem conſtat ex ejus vita juffu S. Henrici Imperatoris (qui fuit S. Mathildis pronepos) olim ſcripta, & ex veteri codice Coloniendi Monasterii S. Pantaleonis eruta apud Papebroch. in actis Ss. loc. cit. ubi c. 1. n. 4. ſic de ea ſcribitur: à poſteris ergo ejuſdem Wittichindi egregii Ducis proceſſit ſtirps Beatiffimæ Mathildis, cujus pater nomine Thietricus in occidentali regione (id eſt, Weſtphalia ut ibidem notat Paperochius) Comes fuit glorioſus. Gobelinus, Meibomius in notis ad Annales Wittichindi Monachi, aliq; ſcribunt ejus patrem fuiſſe Comitem Oldenburgicum. Vitam compendio damus excerptam ex ea, quæ eſt apud Papebroch. ad diem 14tam Martii.*

Weſtphalicum ſanguinem Regni Germanici purpuræ prima commiſcuit B. Mathildis nobiliſſimorum Comitum Thiedrici & Rinhildis filia. Annos juventutis exegit Herivordiæ apud aviam paternam Mathildem viduam, quæ ibidem tunc Abbatiffa neptem ſibi cognominem ſtatim à maternis liberibus magnis deſideriis ad ſeſe depoposcerat. Ab hac inter alterna orandi ac laborandi ſtudia ſanctiſſimis moribus & omni exercitio

cicio

citio muliebri ita instituta est , ut Otto Dux
 Saxonix evulgatâ ejus virtute dignam duce-
 ret, quam filio suo Henrico, ut vocant, Aucu-
 pi uxorem daret. Nuptiæ celebratæ [a] Wal-
 hufii in Thuringia : donatum Mathildi, quid-
 quid ad eam civitatem pertinet : Otto socer
 triennio post, nimirum anno 916 è vivis exem-
 ptus : Henricus non modò paternæ ditionis
 hæres factus ; sed etiam Conrado Germaniæ
 Regi (postquam is anno 918 fati concesser-
 rat) in imperio subrogatus , ipso Everardo
 Regis defuncti fratre armillas, chalydem,
 diadema, gladium, & reliqua Regni insignia
 ad Henricum deportante. Magnum utrique
 conjugii devotionis ac humilitatis calcar erât
 honores tanti. Et Mathildis quidem, præ-
 terquàm quòd per dies singulos non parùm
 temporis pietati daret, etiam nocturnis per-
 sæpe spatiis furtim se subducebat de Regis la-
 tere, ut interim orationi vacans quietiùs cum
 Deo ageret. Mundum & ejus oblectamenta
 habebat in contemptu maximo ; quantòq;
 sublimiùs eam supra alios fortuna extulerat,
 tantò ipsa submissiùs sese deprimebat, amore
 illius supremi Domini , qui dicit Matt. II :

Discite

[Walbusium ad Helmam fluvium in confinis Mans-
 feldiæ & Thuringiæ.

Discite à me quia mitis sum, & humilis corde.
 Matrem in ea experiebantur non solum pau-
 peres, in quos liberali manu stipem & elee-
 mosynas; sed etiam homines de plebe cæte-
 ri, in quos affectu maximo charitatis mater-
 næ viscera effundebat. Erga reos & propter
 facinora severis carceribus mancipatos tan-
 tâ ferebatur misericordiâ, ut magis penè in-
 dolesceret eorum infortuniis aut malefactis,
 quàm ipsi suis. Vix gaudii & hilaritatis ali-
 quid priùs admittebat à Rege conjuge, quàm
 aut veniam iis exorâisset, si expediret; aut
 certè hujus animum ad supplicii aliàs infe-
 rendi mitigationem suo patrocínio inclinâ-
 set: *in quo enim judicio judicaveritis, solebat
 dicere, judicabimini, & in qua mensura men-
 fueritis, remetietur vobis.* Neque dissentiebat
 ab his Reginæ studiis voluntas optima Hen-
 rici conjugis. Unus illi in Christum amor,
 una in proximos Charitas, unus in bono fer-
 vor, & una concordia: adeò ut oculos suos in
 mortem postremò occlusurus ingenuè de se
 fateretur, illius se hortamento à via iniquita-
 tis ad boni rectiq; semitam sæpius revocatum
 esse. Et sanè vel idcirco fortasse visus est tan-
 tos à Deo favores & beneficia paucis conce-
 sa etiam post mortem consequi. Ut enim ta-

ceam,

ceam , quòd in vita semper victor Danos ,
 Sclavos , Bohemos , Bavaros regna plurima
 ditissimáq; felicibus armis subjugaverit ; nul-
 lam ex hac sancta conjuge prolem genuit ,
 quæ non ad magna dignitatum fastigia & ho-
 nores admota fuerit. Otto primogenitus
 regnum Germaniæ post patrem consecutus
 est , tandèmq; à Supremo Pontífice corona-
 tus Imperator. Henricus 2dò genitus Duca-
 tu Baviariæ à fratre impertitus. S. Bruno na-
 tumimus Archiepiscopali infulâ decoratus
 Coloniæ, & propter eximia sanctitatis ac vir-
 tutum ornamenta Divorum catalogo postea
 adscriptus. Reliqua proles fæmella magnis
 etiam Principibus Ducibúsq; in matrimoniũ
 collocata. Ità Deus suorum repensat meri-
 ta, neque se vinci ab iis patitur amore ac libe-
 ralitate. Tandem cùm piissimus Rex & con-
 junx [b] Romam iter facere decrevisset, ibi-
 demq; exemplo Caroli Magni victoriarum
 suarũ trophea ad Ss. Apostolorum aras Deo
 consecrare ; illapsa gravi ægritudine viã uni-
 versæ carnis adire compulsus est anno 936 die
 2da Julii , defunctus [c] Memlebiæ in Thu-
 ringia ; sepultus autẽ, uti postulaverat Qued-
 lin-

[b] *Witichindus Corbeiensis l. 1. annal. in fine.*

[c] *Memlebia ad Unstrutum fluvium.*

linburgi in Basilica. Acerbissimas hæc fata inu-
lacrymas Mathildi expressere, tum propter dui-
amores integerrimos, quibus se mutuò sem- frat-
per complexi fuerant; tum præsertim, quòd huc
videret, quantis mors illa fratrum discordiis Re-
facem subditura esset, hinc Ottone, inde reb-
Henrico filiis paterni imperii sceptrâ affe- cor-
stantibus. Itaque malis hisce ut maturè oc- ali-
curreret sancta mater ac vidua, fratres am- ma-
bos, dum cadaver Henrici patris adhuc inhu- fed-
matum staret, ad se vocatos unà cum lacry- clac-
mis cœpit alloqui: *O Filii mei charissimi, oro- pa-
vos & obtestor iterum per has exuvias Genitoris lici-
vestri: Deum timete, & ipsi servite soli, in cuius suo-
manu sunt omnium iura regnorum. Absit, ut Eco-
contendatis invicem de honore, heu! nimium stu- tan-
xo & caduco. Ecce! hunc finem habet univèr- est-
mundi gloria: & beatus ille, qui sibi preparat et- refl-
terna, quæ nunquam desinunt. Neque multum hos-
contendite, uter vestrum futurus sit, in cuius ver- stea-
ticem imperii corona se demittat; sed potius tene- Imp-
te ac custodite illud Christi: omnis qui se exalta- di-
humiliabitur, & qui se humiliat, exaltabitur. eon-
Sed parùm hæc matris beatæ monita apud fi- Ma-
lios initio profecere. Ottone ex patris [d] bus
defuncti designatione ad imperium evecto inun-*

[d] Witichindus l. 1, Annal. in fine.

inunctoq; , funestâ æmulatione mox infren-
 duit Henricus 2dò genitus , regnum sibi præ-
 fratre deberi dictitans , quòd hic à patre ad-
 huc Duce tantùm ; ipse verò ab eodem jam
 Rege in lucem procreatus esset. Tracti in
 rebellionis partem [e] Everardus Dux Fran-
 conix , Gisbertus Dux Lotharingix ,
 aliique plures. Certatum annis aliquot
 magnis quidem adversantium animis ;
 sed fortunâ impari. Henricus post varias
 clades Ingelhemii in arctam custodiam com-
 pactus. Ex qua cum altero demum anno fe-
 liciter elapsus esset, atrâq; indutus veste fratri
 suo [f] Francofurti sub Christi natalitia ad
 Ecclesiam procedenti supplex advolveretur,
 tandem in gratiam clementissimè receptus
 est, & Ducatu Bavarix in amicitix perennis
 tesseram impertitus. Exinde tam arcta inter
 hos ambos concordia & amor coaluit, ut po-
 stea neminem in Germania habuerit Otto
 Imperator, qui majori fide & ardore militan-
 di adversùs communes regni hostes arma
 conjungeret. De cætero amborum mater B.
 Mathildis post obitum defuncti conjugis, re-
 bus omnibus, quæ mundi sunt spretis negle-
 ctisq;

[e] Witichindus l. 2. *Annal. pag. 18 & seq.* [f]
 Schaten to. 1. *Annal. pag. 284.*

Etisq; se totam Deo ac virtuti tradidit, castro
 in quo ille è vivis excefferat, in cœnobium
 verso. Pudicitiam imprimis statui viduam
 consentaneam tantà curabat sollicitudine, ut
 omnes Virginem fuissent arbitrati, nili ex
 prole Regia de ejus fœcunditate constitisset.
 Somno cibòq; nihil indulgebat amplius
 quàm naturæ necessitas postularet. Oratione
 multò, quàm aliàs addictior erat: cui ut in-
 cumberet magis inobservatè, [g] cubiculum
 sibi delegerat haud procul ab Ecclesia, in
 quam pro suo arbitrio posset ingredi, quatenus
 docunque vellet. Vespertino tempore quatenus
 quam haud secus atque alii ad quietem memo-
 bra componeret: mox tamen, ut illos alto
 sopore mersos adverterat, iterum surgebat
 strato, famulamq; cubiculariam excitans sus-
 penso gradu cum ea in templum se infero-
 bat; ubi tam diu pernoctabat in sanctis pro-
 cibus, dum totum Psalterium orando decure-
 risset, nisi fortè id subinde impediret noctis
 brevitatis. Tum silentio redibat ad cubicu-
 lum, seseq; in sciis aliis perinde in lectum re-
 trahebat, ac si noctis totius spatia dormiendi
 exegisset. Sed & ibi vix paululùm conquie-
 verat, cum iterum audito ad horas matutina

campana

[g] Witichindus l. 3. Annal. in fine.

campanæ signo recurrebat ad Ecclesiam. Neque contenta erat ad finem Divinæ laudis unâ cum aliis ibidem permanere, sed etiam iis jam digressis man^o oculósq; in cœlum tendens, non priùs invictum spiritum relaxabat ab oratione, quàm exoriens aurora noctis umbras pepulisset. Hinc rursus ingressa cubiculum aliquid captabat quietis, ne corpus necessario sopore defectum succumberet, Divinóq; famulatu fieret inidoneum. Interea [b] paulatim allabebantur pauperes, ut stipem caperent, quam ipsa quotidie liberali manu in eos dispensabat. Ad horum voces clamorésq; experrecta, mox illa somnos excutere, de strato exsilire, esurientes pascere, nudos vestimentis operire, omnibus misericordiæ suæ viscera affatim exhibere; non aliter, quàm si Christum ipsum sub aliena veste pasceret, tegetéq;. Tum deinde habitum suæ viduitatis induere, ad missam se accingere, ad Ecclesiam convolare, Divinis Sacrificiis interesse, nullúmq; interim aut verbum aut gestum edere, quo vel tantulúm à curis sacratoribus avocari mens Deo intenta posset. Non poterat dæmon tantam virtutem diu ferre in Sancta Vidua: mox varios con-

P

tra

[b] In vita c. 3. à n. 13.

tra ipsam obtrectatores concitat, qui Otto
 ac Henrico filiis persuaderent, matrem ne
 mis prodigè in pauperes liberalem esse; ne
 scire modum in erogando, bona à defuncto
 conjugè sibi assignata donatâq; magis pro
 fundere, quàm dissipare. Erubuère ad hæc
 audita boni Principes: & quis crederet ho
 minum malevolorum linguis tam facile au
 rem dari? Calumniis fides statim adhibita
 filii in iras ac furorem versi, mater de conce
 sis sibi possessionibus depulsa; bona, quæ in
 pauperes effudisset, iniquè repetita; confi
 tuti exploratores, qui eos, quorum auxilio
 munera ad egenos mitteret, non modò spo
 liarent rebus sibi traditis; sed etiam variis
 contumeliis oneratos ad ipsam remitterent.
 Gravissimum enim verò hoc vulnus erat Re
 gali Viduæ, tantòq; acerbius, quòd etiam
 Henricus filius, quem semper in amoribus
 habuerat præ Ottone, tam iniqui facinoris
 particeps & consors esset. Ferebat tamen
 hoc ipsum animo constantissimo: imò per
 ipsas injurias fiebat multò fortior; non secus
 quàm si cum Davide diceret Ps. 117. *Domine
 mihi adiutor: non timebo, quid faciat mihi hu
 mo.* Leve existimabat coram oculis mundi
 in opprobriis esse; modò non vilesceret

Christo

Christo Domino : neque aliud inter adver-
 sa petebat solatium, quàm quod in precibus
 ac oratione situm erat. Cùm sibi maledice-
 retur; non maledicebat: suis imputabat me-
 ritis, quidquid adversi permittente Deo illa-
 tum esset: ne verbulum quidem sibi patieba-
 tur excidere, quo in filiorum ausa graviùs ex-
 candesceret; sed omnis oblita injuriæ hoc
 unum tenebat in memoria: *quoniam per mul-
 tas tribulationes oportet nos intrare in regnum
 Dei.* Quòd si audiret aliquem aut suis mise-
 riis indolere, aut ob injurias sibi illatas inge-
 miscere, huic illa: *quòd ab Ottone filio tantas
 ego persecutiones feram, flagitiis id meis tribuo.*
*Quis autem illum Henricum meum adeò in me
 concitaverit, nòrunt Superi: per hunc enim spe-
 rabam fore, ut miseras meas faciliùs consolarer.*
*Deus tamen ignoscat illi, nec referat pari par. Ego
 illum, tametsi tam infensum mihi, ex corde diligo:
 & utinam hæc mea persecutio ità cedat utrique
 fratri, ut per meï oppressionem pax illis firma sit
 & semper stabilis!* Tandem veto cùm filiorũ
 suorum iras diuturnã patientiã suã nihil miti-
 gari cerneret, sed magis ingravescere; dere-
 lictis omnibus, quæ sibi defunctus conjunx
 diplomate consignaverat, redit in Westpha-
 liam ubi in ditione Engerensi, velut alii ex-

primunt, [i] Angriensi vitam diu tranquillam atque ab omni sæculari negotio alienam duxit.

Ex eo tempore Regis Ottonis res adeò pejus lapsæ sunt, ut unum ipsi ex alio malum incumberet. Fortuna belli retroacta, cursum victoriarum sufflaminatus, atque ut inquit [k] Henricus Bodo, *ex ipsis, quibus defendentibus robur belli accipere debuisset, Deus iudex justus illi regni turbatores suscitavit.* Magnus inde apud Cæsarem dolor, in Sacerdotibus Principibusq; conturbatio. Et quid tandem ad hæc consilii? facile in mentem veniebat iis, qui paulò sagaciores erant, injurias Mathildi inflictas unicam causam esse omnis infortunii; ac proinde monetur [l] Editha Cæsaris conjux, ut pro illa in imperium & res suas revocanda suam interponat operam. Quod cum Editha promptissimè faciendum in se susciperet. Ad prima statim de matris verba adeò immutat Ottonis animum, ut gravi compunctus pœnitudo omnino se

[i] Angria vel Engeria Engeren in Comitatu Ravensbergensi ubi Mausoleum B. Widekindi. [k] Chronico Gandersheimensi Ms. apud Meibom. [l] Editha gente Angla filia Eduardi, uxor Ottonis conjux.

um esse diceret, tantisq; à Deo flagellis justis-
simè correptum. Nec mora : apparantur
omnia, quæ ad Mathildem summis honori-
bus reducendâ videbantur opportuna : mit-
tuntur Episcopi, convocantur Duces, nomi-
nantur milites, futuræ profectiois socii, adj-
ciuntur literæ deprecatoriæ, quarum inter
alia præcipuus [m] hic tenor erat : *Veneran-
da Mater ac Domina : satis superq; hæctenus in-
consultâ persecutione tuâ, Divina iracundia tela
in nos evocavimus. Fatemur deliquisse nos, &
summa in Te impietatis reos esse. Per amorem
Christi da veniam delinquentibus, nobisq; remis-
sionem sceleris à Divina misericordia iterum ex-
posce. Libenter patimur quævis supplicia, modò
tuâ gratiâ imposterum frui liceat. Revertere,
oramus te, revertere, nec reditum differ in longa
tempora. Quidquid in nostra potestate situm, id
omne ditioni tuæ libenter substernimus; nec omit-
temus actutum restituere, quod tibi nostro scelere
injustè subtractum fuit. Non dies nobis, non
hora unica poterit amœna esse, nisi contigerit te vi-
dere, tuòq; aspectu & alloquio infelicitatem no-
stram consolari. Incredibile dictu est, quantis
lætitiis hæc epistola à Mathilde excepta &
perlecta fuerit. Excidebat è vestigio omnis*

P 3

inju-

[m] In vita c. 3. n. 15.

injuriarum memoria: atque ut postulatis fieri
 continuo satisfaceret, nihil amplius morarum
 passa, festinatis itineribus ad ipsum contendere
 debat. Nec minus ille cum Editha conjugio
 multoq; comitatu procedebat matri obviam
 cumq; eam jam propinquius ad se adventantem
 cerneret, continuo dejectus equo, flexisq;
 genibus ad pedes offensæ matris prostratus:
*ô Mater! inquebat, unicum solamen
 quies mea, cujus solius meritis hæc mei imperii
 præter accepta refero: impone mihi, quodcumque
 placuerit supplicium; ego illud non recusato
 tantum ut liceat redire in tuam gratiam.* Jam
 satis meo damno didici, quantum in te peccaverim.
 Ex eo enim tempore, quo tu dejecta es a
 tuis possessionibus, pessimum abiit omnis fortuna
 nostra, & valentissimus in nos hostium terror in-
 crevit. E diverso Beata Mater decoros oculos
 multis perfusa lacrymis, osculum charitatis
 præbebat Regi filio & quasi injuriarum nihil
 perpessa sic eam maternis vocibus suaviter
 consolata est. *Nolim hac de re contristeris
 mihi: nisi enim facinorum meorum multitudo
 postulasset, nequaquam sinistri aliquid mihi
 expectandum erat. Ego peccavi, & has pœnas
 merui, aut si quid etiam abs te commissum fuerit
 quod sit affine sceleri, id tibi pro sua misericordia*

Deus indulgeat, qui paratus est misereri omni pœnitenti, si commissa ritè defleverit, & deplorata postmodum non admittat. Aberat hæc inter Henricus Matri dilectus unicè. Is ergo ut audierat, quid rei Mathildem inter & Ottonem fratrem actitatum esset, non minore ductus pœnitentia iter arripuit, atque in matris suæ conspectum veniens profundissima animi submissione: *Veneranda Domina*, inquit, *& si modo fas est dicere, mater charissima! Ecce hic jaceo coram te gravissima in te impietatis reus, & veniam supplex peto, quam non promeror. Oro tamen, & per nomen animamq; piè defuncti patris iterum oro; recipe indignum me in istam gratiam, è qua meo flagitio tam imprudenter excidi. Neque enim dubito, quin à Christo Domino faciliùs remissionem impetrem, si tu ex toto corde veniam dederis delinquenti.* Hæc inter cùm pii lacrymarum imbres Henrici supplicantis ora perpluerent, maternis visceribus intimè commota: *Fili mi Henrice, dicebat, noli flere! desiste fili, desiste: neque enim abs te audire potero talia lacrymantis & precantis verba: Accede propiùs, & à matre tua osculum amoris cape. Deus condonet tibi, quidquid in me deliquisti. Ego te, ut semper aliàs, ex corde diligo, satisq; compertum habeo, id omne, quod à te*

*commissum hæctenus, ab hominum malevolorum
 linguis profectum esse. Exinde in possessiones
 pristinas Mathildis restituta est, tantâq; deinceps
 matrem inter & hosce filios concordie
 intercessit, ut una duntaxat illorum anima &
 cor unum esse videretur. In matre elucebat
 ardens in filios amor, in filiis sancta obedie
 bat humilitas, in utrisque summa erat animo
 rum & voluntatum conjunctio. Ità singulari
 prosperitate fluebant anni aliquot; & pote
 rat videri Beata Vidua præ multiplici gaudio
 etiam in terris cælum reperisse, nisi iterum
 feralis obitus Henrici filii, in quo hæctenus
 vivam spiransq; patris exemplar sibi propo
 fuerat, mœrore ac lacrymis omnia comple
 visset. Non ludos non comedias, non jocos
 & sæcularia carmina sustinebat ex eo tempo
 re: coccus omnis, & purpura, quam in sua
 viduitate hucusque retinuerat, ita apud ipsam
 in fastidium & contemptum ibant, ut tota
 deinceps vitâ non aliò, quàm vestimento atro
 ac lugubri induta processerit. Sola voluptas
 erat, vel Psalmos cantando decurrere, ve
 scripturarum lectioni mentem intendere, ve
 aliquid de passione Christi & Martyrum cer
 taminibus recitatum audire. Quidquid otium
 ab oratione & officiis charitatis supererat, in
 die*

diebus negotiosis terebat labore manuum :
 cui tam impensè addicta erat, ut etiam [n] ci-
 bum non antè caperet, quàm aliquid operis
 laborando exegisset. Bis de die erogatis ci-
 bis recreabat pauperes : insuper cum ad
 mensam accedendum esset, lautissima quævis
 fercula distribuebat in egentes ac peregri-
 nos, quos cum in finem advocari iusserat.
 Quocunque erat agendum iter, simul victum
 deportabat pro pauperibus, ut sibi semper ad
 manum esset, quod in obvios dispensaret.
 Quòd si autem oculum ad hos advertere ipsa
 non posset, lectionibus sacris aut aliis rebus
 piis impedita ; alium constituebat interim,
 cui severè in mandatis dabat, ne quem indi-
 gentium absque cibo & eleemosyna sineret
 præterire. In oppidis & civitatibus, ubi per
 hiemem confidebat, variis in locis curabat
 instrui liberales focos, ut haberent inopes ac
 miseri, ubi se ab inclementia frigoris ac ven-
 torum possent defendere. Omni sabbatho
 jubebat pro iisdem accendi balneum ; & si-
 quidem sese à negotiis aliis tantisper subtra-
 here posset, ipsa eorum sordes abluebat suis
 manibus : si autem impedimenti aliquid oc-
 currisset interim, illuc è puellari famulatio

P 5

suo

[n] In vita c. 4. n. 21.

fuo fidissimas ablegabat, quæ in hoc officium promptè succederent, & quidquid necessarium erat, studiosissimè accurarent. Expleto balneo ablutos compingebat in cubiculum & singulorum necessitates maternè pervidens, esurientibus cibum, oppressis pecuniam, nudis ac malè tectis vestimenta liberali manu ac munificentia porrigebat. Nec minora exhibebat beneficia personis Deo sacris ac religiosis: præterquam enim, quòd his omnia, quæ ad victum pertinent, sollicitè procuraret, etiam varia seu Collegia seu Monasteria cum consensu & opera filiorum condidit; Unum Poledense Clericorum, & tria Virginum Quedlinburgi, [o] Memlebiæ & Northusii: non alio sanè consilio, quàm ut Numinis supremi laudes ibidem inter religiosa vitæ secretioris otia perpetuò resonarent. Talibus virtutum studiis ad senium usque pie occupatam incessit tandem gravis infirmitas ex qua cum ad extremam vitæ lineam paulatim se admoveri persentisceret, Quedlin-

[o] Pro Memlebiensi ponit Henricus Bodo & ex eo Schaten Confugiensi Rauffungen in Hassia prope Cassellas; sed error est, cum hoc sit fundatum à S. Cunegunde Imperatrice, vide Bolland. in notis præviis ad vitam S. 2. n. 7.

burgum sese properatò contulit, ut ibi mortem caperet, ubi exuviæ defuncti conjugis quiescebant. Evocabat eòdem fidissimam sibi Richburgem, olim famulam, tunc autem Nordhusii Abbatissam, ut sibi inter supremæ ægritudinis molestias ab auxilio & ministeriis esset. Interim adveniebat Moguntiâ Wilhelmus ejusdem Sedis Archiepiscopus & Beatæ Mathildis nepos ex Ottone filio, & Editha conjugē. Hunc ubi præsentem vidit mulier Sancta, magnis perfusa gaudiis rogat, ut sibi confitenti aurem paulisper accomodet. Paret ille, peractòq; Missæ sacrificio etiam sanctissimis Eucharistiæ & extremæ unctio- nis Sacramentis ægram impertit. At quia evolutò triduo mortem aviæ nondum adeò vicinam esse compererat, aliò tantisper viam accelerat, uno è suis Clericis ibidem remanere jussò, qui morienti posset assistere, si fortè spe sua citiùs ex humanis arbitura esset. Verùm quàm incertæ sunt omnes mortalium vices? abeunti Mathildis pallium mortuale suæ aliàs sepulturæ destinatum in tesseram amoris porrigit, simulq; Richburgi suæ occultò aperit, fore ut ipse prior indigeat apparatu illo; difficillimum ab eo nunc iter suscipi, semperq; in ambiguo esse, quando vel quor-
sum

sum se evolavit alea vitæ nostræ. Maximè
 gratiis acceptabat hoc donū a viæ Wilhelmi
 Præsul, præmissaq; benedictione recedens
 ab infirma, silentio dicebat ad circumstantes
*Proficiscor hinc ad tempus aliquod; unum tamen
 è meis Clericis hic relinquo, ut si fortè nostra avia
 fato maturius concederet, nuntium mihi mortis
 ferat. Tunc enim revertar ocyus, magnisq; ut patet
 est, honoribus extinctum corpus sepulchro com-
 mendabo. At illa, veluti si loquentem auscul-
 tâset, iterum è lecto caput erigens, non est
 opus, inquit, ô Wilhelme, ut Sacerdos iste hoc
 loci multum expectet: tecum abeat: plus, quam
 ego, illius indigebis isto in itinere, quod tibi ineu-
 dum est. Ite in pace Christi. Nec vatem fefellit
 eventus. Mox enim, ut ad terminum præfixi
 itineris allapsus erat, sumpta potione medica
 fato repentino diem clausit, & mortem Bea-
 tæ aviæ sua morte antevertit. Aderat pro-
 pediem tam funesti exitii nuntius; cùmque
 omnes penderent animo, qua opportunitate
 Mathildem de insperato hoc obitu certiores
 facerent, illa voces eorum antecapiens: quid
 inquit, intra vos mussitatis clanculum? cur
 eventum hunc tristem mihi celatum vultis? Wil-
 helmus obiit! precipite compulsari campanas Ec-
 clesiæ, atque ad eleemosynam congregari pauperes,*

ut pro ejus anima apud Deum intercessores fiant. Inde Beata Vidua duodecim adhuc dies superstes fuit usque ad Sabbathum post Dominicam Iam quadragesimæ : quo die cum sibi de vita emigrandum esse præcognosceret, primo statim diluculo excitatis iis, qui sui corporis custodes erant, jussit ejusdem monasterii sacras Virgines & Sacerdotes ocyùs ad se adduci, ut, quæ agenda essent, jam perficerent. Confluebat unà cum his ingens frequentia populi : Mathildis tamen arceri neminem ab ingressu voluit ; sed omnibus, quotquot erant, intromissis, *servite*, inquit, *Domino in timore, & exultate ei cum tremore : apprehendite disciplinam, ne quando irascatur Dominus, & pereatis de via justa. Declinate à malo, & facite bonum, ut sub extremam horam animæ vestre ab insidiis diaboli eripantur, & æterna vobis præmia à Deo donentur.* His dictis jussit omnes facessere de cubiculo, iis solùm exceptis, quorum opera ac ministerio sibi ad hunc vitæ articulū opus foret ; statimq; conversa ad neptem suam Mathildem, quæ ibidem Collegio Virginum Abbatissa præerat, monuit, ut esset pia, humilis, prudens & circumspecta ; ut commissum sibi gregem sollicitè custodiret ; ut de monasterio, in quo Di-

vino

vino cultui consecrata esset, raro egredere-
 tur, ne forte per externorum consuetudinem
 animi sui fervor in Dei servitio elangueret.
 Magnos hæc verba motus excitabant non so-
 lum in suæ neptis animo; sed etiam in Rich-
 burge sibi semper fidelissima: idcirco in terrâ
 procidens, & morituræ pedes multis ample-
 xa lacrymâs: *Itane, inquebat, o mea Domina,*
congregationem istam, cui indignam me præesse
voluisti, tuo discessu deseres? quod mihi præsidium
quæ tutrix erit te amissâ? Ad quæ Mathildis
commendo vos supremo omnium defensori Deo
neque in terra etiam alienis vos relinquo; sed Ot-
toni filio, aliisque nepotibus nostris. Cùmque illa
 fleret amplius, diceretque, ambiguum esse, quò
 se vertat inclinèturque illorum favor; Mathildis
 plorantem consolatura, *si, inquit, humana vos*
præsidia penitus deficiant, quò tandem adverten-
da est spes nostra, nisi ad solum Deum? querite
primum regnum Dei; & hæc omnia adjicientur
vobis. Confido planè filium meum Ottonem pro-
 missionis mihi sæpius factæ haud immemorem fo-
 re, vobisque omni auxilio adfuturum. Quòd si ali-
 quis de vestris facultatibus, quas ego ex mea par-
 tate comparsi, quidquam injustè detrahat; vi-
 deat quid olim respondere velit illi iudici, qui se-
 veram de rebus omnibus rationem exiget? Hæc

ubi prolocuta fuerat, accersito Sacerdote iterum à peccatis expiari petiit, & sanctissimo Christi corpore in viam æternitatis communi. Tum deinde monebat circumstantes, ut sese in preces darent, & pro felici excessu suæ animæ Deum obsecrarent: ipsa interim ab omni sermone contiscens, oculis manibusq; in cœlum sublevatis. Deo se totam immergebat usque ad horam nonam. Hâc appetente jubebat cilicium humi sterni, corpus moribundum de lecto extrahi, in cilicio membra collocari; propriisq; manibus cinerem imponens suo capiti: *non decet*, inquit, *hominem Christianum mori, nisi in cinere & cilicio*: statimq; signo sanctæ crucis se ipsam præmuniens, placidissimè obdormivit in Domino anno 968 die 14ta Martii eadem illâ horâ, quâ consueverant mendici ac pauperes de ejus liberali manu stipem capere. Corpus ejus, uti rogaverat [p] ibidem sepulchro datum est in basilica Sancti Servatii ad latus Henrici conjugis. Labet hîc admirari inconsultam fidem Evangelicorum (si Diis placeat) nostri temporis, qui ex monumentis historiæ veterum tam eximia antiquæ religionis ac pietatis exempla recolunt; nec tamen

[p] *Quedlinburgi.*

men colunt : tanquam si magnæ illæ Imperatorum, Ducum, Principum, Matronarum ac Virginum animæ nusquam verâ Evangelii luce perfusæ fuerint !

S. MEINOLPHUS

Ecclesiæ Paderbornensis

Archidiaconus.

Refertur cum titulo Sancti à Canisio in Martyrol. Germanico, Molano in Martyrol. Usuardi Gelenio in fastis Agrippinensibus, Heriberto Rorvweydo in fastis Sanctorum, Surio & aliis ad diem stam Octobris. Vita ejus manuscripta habetur in Bibliothecis, Cathedrali Paderbornæ, Collegii S. I. ibidem, Carthusiæ Colonienfis, Cænobii Hardehusani, Bodecensis, & Abdinghoffensis, quarum ultima eam descripsit & in lucem protulit Adolphus Overham Abbatia Werthinensis Ordinis S. Benedicti Religiosus. Idem in suis notis ad hanc vitam breviter illius patriam indicat hisce verbis : S. Meinolphus in Diocesi Paderbornensi loco in primis nobili natus inter indigentes illius Ecclesiæ Divos meritò numeratur. Annum nativitatis scribit Gobelinus vel ejus Paderbornensis